

# Diamonds Carnival Group a presenta su Diamonds & Wedding Fantasy

*Pa Carnaval 55*

## ORANJESTAD

Diadomingo siman pasa Diamonds Carnival Group a tene e presentacion oficial di nan diseñonan di Carnaval pa aña 2009. E tema principal lo ta 'Diamonds & Weddings'. E diseño colorido di massa a keda presenta hunto cu e sketchnan pa loke ta trata roadpieces. Tur ta creacion di Angelo Croes.

E evento cu a tuma lugar na E Wowo di Casibari y a conta cu presencia di lidernan di SAC, a sirbi tambe como ocasion ideal pa realiza e coronacion di e representante di Diamonds Carnival Group den eleccion di Sra. Carnaval.

Sra. Tecla Kelly, presidente di Stichting Arubaanse Carnaval a bisti Sra. Benita Hernandez su sherp mientras cu el a keda corona dor di Sr. Jubi Naar. E anochi aki



tambe a keda atendi pa e actual Sra. Carnaval, Reina Grandi di Carnaval, Prins y Pancho Grandi di Carnaval 54, entre otro personalidadnan cu a disfruta di e musica y ambiente manera e potretnan ta ilustra.

